

一發雷車_子 二發閃電_未 三發喧轟_午 四發震動_卯 五發飛沙走石_辰 六發狂風大霹靂_巳 七發天雷鳴_亥 八發地雷鳴_辰 九發龍雷鳴_辰 十發神雷鳴_卯 十一發水雷鳴_丑

就以左手成雷局望前拋發即念呪云

天為雷地為雷霹靂發雷火飛_{運雷打三司} 將吏今日真符隨吾驅使捧領天符追捉鬼賊治病消除敢有妖魅雷斧速追上帝令下立降方隅急急如律令

剪呪

百鬼諸邪冷冷喪精太上合同真人親付急急如律令

凡用此符祈雨起雷依前符作用單分作兩片先將左契入牒內發去存留右契臨壇施用次日行事再用一道不用雷霆只用三合方作用入前如天虹所隔却以治祟作用總符念天蓬呪念至辟尸千里止祭畢即步飛龍致雨罡燒一道於壇上香爐內浸一道於水甕中迎接風雨

帝命合同風雨變化



新陰系申子辰入坎上出 而生系亥卯未入巽上出



新陽系寅午戌入 乾離系巳酉丑入

右存五臟悉入藏良上出加斗一座一片病家燒一片壇中燒起風巽出起雲良乾乾出起雷坤出隨一時使左右三方皆可若發奏於符中作斗一座念奇字天丁飛雲斗訣七字乾上出筆次火晶飛鳥呪治病斷後則號曰伏雷亨轟滑棘救救七字作用指鬼戶不得出筆到良宮住外作一教字蓋鬼戶治病再於符內加斗一座如病家在南用子午斗入病家在北午子斗入病家在東戌辰斗入病家在西辰戌斗入俱用嘿呪

道法會元卷之六十三

道法會元卷之六十四 好八

將班

驅風大將朱成真

驅雲大將全真一

驅雷大將李正

驅雷大將童可烈

驅雨大將陳宗天

收風大將嚴以信

收雲大將梅崇信

收雷大將留世雄


止雷大將朱玉忠

收雨大將萬接

起雷雷火符

凡書符先焚香集神步風火罡召將左手斗訣右手持朱筆自東南起筆劃過西北念東方響雷急速起西南劃過東北念南方響雷使者急速起自南劃過北念西方響雷使者急速起中央響雷使者急速起打一圈次書北斗七諱於中間又書救煞攝三字以蓋之外八方書雷火八箇自此起順行書之並要依中央法再大書雷火二字以蓋符形成一墨團念都天呪救之次再呪曰

風雷起電火生神威降滅邪精急急如雷霆
帝君敕
阿那隸皮捨題皮囉嚩那囉陀盤陀呢嚩那
囉謗呢判火頤囉囉囉囉判娑婆訶急急如雷
霆帝君律令



右符起五方雷凡發申狀奏狀緊切文字
當以此符護送之焚符之際左手執陽光
印在上右手執陰光印在下念前祕呪即
以印相摩大擊一聲作電光雷聲大能治
祟去病與人作薰符如病人在東方在壇
下望東方燒去亦以此例弩目作威只呼
東方使者起治某事如何行餘例此

起風符

驅風大將朱成真

青衣白袍跣足披髮面青白色手持雙斧
輔鬼五人各著青衣披髮跣足各持虎斑

風袋凡召將先置雷匣於行持之所面風
欲來方法師披髮跣足穿黑衣左手持風
印右手持劍呼將名存至

呪曰

四時得信利力和真火飛一訣天地俱昏四

天閉黑其色如雲秀質鍊形明輔天真謹如

玉清上帝律令

右法存至目前次卓劍向前將印面向上
安於卓上左廿文右執筆向風欲來處吸

一口吹筆上用紙一片如印面大書符

呪曰

天道合德日月合明天清地寧五嶽推傾神


明輔我飛天辟兵成真驅風速降如雲謹如

上帝律令

驅風大將諸部吏兵回逆作順羅列風雲明

天明地山嶽震驚四維上下隨印指陳吾印

一下風火萬程



風袋真字

右書符訖用烏金紙一貼烏馬一箇燒之
喝神將疾速驅起須臾風作

起風呪

雷光烈稱南方火君飛毒萬象震烈八方靈
符化形速現神光急急如律令


呪曰

馮夷閼伯立吾壇側穿林斷蹤飛沙走石噓

吽吽噓較救噓靈靈神虎虎神急急疾震天

烈火雷掃萬邪今日召汝速現真形急急如
律令

步風罡



右燒符喝東方使者只今部領與風大將
其速起狂風自某方而至

呪曰

風出良角地戶排兵異方前路呼然猛風萬
物成信坎震之官上帝有敕永鎮雷霆急急

如律令

起雲符

驅雲大將全具一

著皂襖紫袍白履頂鐵冠面色左右輔
鬼二人著皂衣面自身體並赤披黃髮跣
足執小旗二面口中吐雲霧手執金戟上
有皂幢凡遇久旱要雲布雨左手執雲印
右手執劔向南吸蒸一口吸印上呼驅雲
將恭存至

呪曰

四海混元五嶽驅奔石裂拒逆敢有張鱗行
雲布悉聚質鍊真六丁六甲一如律令

右法存至次卓劔安印向南吸蒸吹紙畫
符呪曰

乾角異雷逐昏風火火光宿交普得潤我四
溟神殺天地合德神人合備疾速布雲一如
律令




內入其三字

右書符訖用烏金紙一貼甲馬一箇燒之
喝將起雲

呪曰

八角乘通化靈真萬物榮成明九夜迅發
破南辰離激天罡火金光發彩霞奉長生大
帝敕

步起雲立生罡



右燒符喝使者部領興雲大將恭速起灑
雲自其方而至

呪曰

雲生兌戶速應西方金神七煞四目老翁擲
火萬里隊仗紛紛天下丁前驅四野雲生急急
如律令

起電符

驅電大將李正

朱衣頂金冠朱履青髮雙手持二物若團
鏡狀有光輔鬼二人朱衣披黑髮各持朱

幢凡遇行舟涉夜登途昏暗即驅照耀左
手印右手劔向天門呼雷火將李正為吾
驅電

呪曰

天火徹光地火烈光神明一召普現十方光
明明列追運五方佩帶列宿上接天罡急急
如律令

雷光使者電母將軍茂光童子起雷神君照
出惡邪不得留停殺滅九醜使世速平



內入李正二字

右書符訖用緋紙一貼火馬一箇焚之須
更電起


呪曰

雷分八彩烈照四隅南方火君甲乙大神火
光初始三炁生神光作一照天地開昏奉長
生大帝敕

神劔輝光火敵南方震輝列照萬邪逃亡今
日召汝齊赴天罡急急如律令

步飛雷應化罡

南陵天神上帝高穹驅雷致雨變電虛空關
伯皓齒鳳背龍鱗疾速逾化變電驚人搜山
破廟求鎮雷霆急急如律令



起雷符

驅雷大將童可烈

著緋綠青衣頂鐵冠面黑髮黑手持二鐵
鏈背負一鐵壺瓶中常有火光輔鬼五人
虎頭黃色黑斑身黃跣足各執瓶如驅雷
向東方左印右劍呼驅雷大將其速至

呪曰

天雷地雷鳴震八方推山倒嶽猛徹天倉雷
公催部玉女持罡今日召汝齊赴帝鄉謹如
玉清律令

右法存至次卓劍安印握雷局面東南吸
炁吹紙書符

呪曰

天皇天皇上應天倉應物合機信及八芒響
徹高穹動入渺茫坤子攝左繳罡雷公發萬
里昌一如元君律令



凡人可烈三字

右書符託用緋紙一點火馬一箇焚之須
史雷震

呪曰

主雷大將直雷將軍雷光萬道然天紛紛雷
聲大動雷光奔騰滅邪斬鬼剪絕妖精吾令
到處天地肅清急急如律令

又曰

阿香阿香趨通泉路推轉雷車大發雷聲廣
施甘雨速濟焦枯一如律令

步飛雷疾速罡

神出坎戶雷震四方木郎太乙速起轟轟轟
火速發火急擊山威聲赫赫震動乾坤急急
如律令

呪曰

南方火君催攝現形今日禹步天罡應聲雷
霆使者速現真形急急如律令

起雨符

驅雨大將陳宗夫

著皂襪青衣鐵冠赤髮跣足手執青幢而
青左右有黑龍二條凡遇亢旱求雨面北
左印右劍呼驅雨將其速降

召呪

太清合訣玉律萬章明神協輔大道求昌雲
過北海雨及四方五雷速降不得住滯一如
上帝律令

右法存至卓劍向前拍中指中以炁吹

紙筆上書符

呪曰

乾吉利亨乙帝攝日光輝月光輝雨風四及
明徹八方遊奕大將頂戴天罡潤及生靈普
滅不祥速降速降一如律令




右書符訖用本部印印之仍用紙一貼甲馬一箇焚之須臾雨至

呪曰

四隅濟毒罡靈跡現真倉下筆呼罡炁何為神不當一如律令

雨應罡

巴嚳醜伯元皇統雲萬神靈命雨陣排共雨師風伯普濟群生玉帝告命速離帝廷一如律令



又呪

北風飄飄至西雲鬱鬱來南丹鳳翱翔而火龍徘徊真人捧信檄召汝作雲雷急赴雷壇下濟拔於苦楚一如律令

收風雲雷雨電法

凡遇風雨不止損傷苗稼即行止法變神為天師前有圓鏡後有方鏡象天圓地方欲止風勢面風來處左風印右劔呼召

收風大將嚴峇

著黑衣披髮面赤足有烏甲下有黃路乘

足左右黃龍二條如欲止風如前變神執

劔印召之

呪曰

信發魁罡德及四隅威攝山嶽無物可居一如律令

右法存至卓劔持印書符向風來處吸炁一口吹紙書符

呪曰

魁合列嶽風且昆角敢有不從當遺豁落立止立止急急如律令



右書符訖用紙一貼甲馬一箇焚之喝神將疾速與吾收止

收雲符

收雲大將梅忠信

著紫袍披髮白履面紅白金甲常有紫雲乘足手執白拂輔鬼二人黃衣披黃髮跣足各執青匣凡收雲當變神執印呼止雲

大將某想至

呪曰

太乙元皇令攝太倉尾箕敵散力揮五嶽震光太常元賓成化充折撲攝急急如上帝律令



右書符訖用錢馬焚之喝將某速急與吾收止


收電符

收電大將留世輝

皂袍大袖青綠披黃髮朱履金甲面赤色背一火鬚行即有大黑雲乘足口鼻出火乃光明也如前召之

召呪

世雄不可當力攝於八方下筆呼罡炁電光
立便藏一如太乙上帝救



右書符訖用錢馬焚之唱將赤火速與吾
收止

止雷符

止雷大將末至志

皂樸緋衣鐵冠面黑色其形弱就有四牙
出口常擊雙手有青雲乘足如遇雷聲不
止人民驚懼召之

呪曰

風攝雷攝天帝雷公攝



右書符訖用錢馬焚之唱將赤急速與吾
收止

收雨符

收雨大將萬接

著青樨皂袍披髮面青黑色披黑甲赤足
左手持帝鐘右手執斧輪常有黑風輪乘
足上有黑霧雨不止執印召之

呪曰

乘憐天倉冥雨四方雨濟信攝乾皇明報攝



右書符訖用錢馬焚之唱將赤急速與吾
收止

又法已上五呪誦畢各認所屬望六乙焚
符吸炁入淨室行持存神如法行此三度
即有驗矣

總收呪

天鬼地鬼日月交收神歸絳宮炁歸玉皇炁
急如

雷祖帝君律令

斷虹蜺符



右篆畢步斗入斗口中立以符燒灰左手
握訣右手仗劍望虹蜺念呪

神尺龍首千魔自干設位大羅嘯誅洞查急
急如

太上老君律令

呪曰

斧辟魁罡天殺救煞天罡魁辟斧

斬虹蜺

天罡天魁立驅妖霧使我靈功妖邪速去急

急如天罡大聖律令

北斗九辰中天大神上朝金闕下覆崑崙調

理綱紀統制乾坤大魁貪狼巨門祿存文曲

廉貞武曲破軍高上玉皇紫微帝君急急如

此斗玄真律令救

念呪畢仰望虹蜺步斗罡至魁星起罡放

了手中斗印以茅葉一束在袖內左手劍
訣在手把茅再念

吾今揮劍斬妖精邪氣紛紛化作塵寶劍一揮虹兩斷一天雲散朗然明敢有違今天帝敕送歸天獄受嚴刑一如天罡大聖敕

步三台罡

上台一黃駢却不祥中台二白護身鎮宅下

台三清治病除精以劍斷茅兩吾劍一下河

海朗明疾

虹蜺即斷却以玉帚掃之存天狗星現狗尾一掃都去

道法會元卷之六十四

道法會元卷之六十五

好九

三炁雷霆神位

三炁者即所謂洞真洞玄洞神是也亦謂之玄元始炁也此三天之正炁號曰雷霆尊自混沌之先冥寂圓通具吾法體混元初判元始命昊天開天立地爾時日月交食星辰流衝各爭分野魔鬼縱橫異類同處風水火災時從地起於是昊天凝神遐想默合太无煉元始慧光祖炁化生雷神高天百億萬丈復以元始梵炁結室成氣以元始玉音密調呪言名役雷神能使食日月吞妖星提山嶽塞河海或吐猛火而遍宇宙或吞海水而盡滄滴降諸魔類一時頓釋遂命太一帝君分天宿度使日月星辰各安經緯萬物各以類聚功莫大焉夫雷霆者乃祖炁之神化受命三洞之瓊文總三炁之統屬上扶至化下剪羣魔雖變現之無方實本原之一炁行持之士當知其所始云括蒼青華洞玄子陳相其謹書

三炁雷霆諸部聖位

洞真部

監度五雷十方太一真君雷神身極昊天命度統領其神也

玉清洞真判押雷神真君十八丈由句

一炁都大雷王高天百億萬大

玉清天界護國雷十三壇四

護國五雷大神

護正五雷大神

掌水五雷大神

掌妖五雷大神

掌神五雷大神

天火五雷大神

考名五雷大神各吏兵百萬人

上清飛雷判星府五雷十三壇四十五員

判星大將

判秋大將

判邪大將

判疾大將

判神大將

判廟大將各吏兵萬人

護世五雷大神

掌獄五雷大神

掌精五雷大神

掌怪五雷大神

掌人五雷大神

雷電五雷大神

判春大將

判冬大將

判瘟大將

判鬼大將

判攝大將